

## DEO OPTIMO MAX.

## UNI ET TRINO,

VIRGINI DEI - PARÆ, ET S. LUCÆ

Orthodoxorum Medicorum Patrono.

## QUÆSTIO MEDICA,

CARDINALITIIS DISPUTATIONIBUS

manè discutienda in Scholis Medicorum, die Jovis quintâ mensis

Aprilis, anno Domini M. DCC. LIII.

M. BARTHOLOMEO MURRY, Doctore  
Medico, Præfide.*An Venatio cæteris exercitationibus salubrior?*

I.



FERARUM in genus nostrum sævitie, primævos paréntes tûm suæ, tûm suorum conserva-  
tioni intentos, liquet ad venationem primò impulsos fuisse. Nec minus à feris ipsîmet,  
augurari fas est, homines carniûm esui excitatos, unde venationis origo altera. Et quidem  
teneros irruentem in agnos, qui lupum viderit primus, vel juvencam à leone cæsam,  
eum prociûs contra carnivorum animal, quidquid animis & arte valebat, contraxisse  
veròmillim; vel enim fratris, filioli, aut amici, injuriam vindicandam habuit;  
vel naturæ ipsiusmet genio, tyrannidis odium edoctus, inculparum animalculum pro-  
regendum, tûm ipsius planctibus actus, tûm belluonis inuisa horrido, truci. Ast cur non, hoste de-  
victo, exacurâque inter pugnandum cibi cupiditate, senicæsum agnuli corpus, adhucdum suavi fatis odore  
fragrans, degustasset ipsemet homo? Unde vegetabilium desertor, carnivorus facile factus est, tuncque  
propria voluptate allectus, sibimet ipsi, ferarum in pecora rabiem invocans, harum instinctu late usus  
est, unde canum naturâ fidelium, indomitique sed benigni equi, delectus & instructio; hinc ovium col-  
lectio & bosum, eorumque in usus mille domesticos accommodatio; hinc primi pastores veluti vena-  
tores, qui placida collegerunt, in renique suam verterunt armenta; initum diceres fœdus, hæc inter  
& hominem, quo sane si ferarum vim & insidias effugerunt, hominis juga ferre, non sine damno, co-  
acta; unde apologi haud insulsi occasio. Demum semina, fructus, & herbas, depascentia, aves & pecora  
hominem etiam multa docuerunt; deinquè ab ipsîmet frugibus, ex parte suis, expulsa hujus arte,  
quod venationi adhuc aliz ansam dedit. Sic homo ratione primum, vique, auro dolo, animalium  
omnium princeps, sibimet ipsi suisque, dominium stabilivit, quare venatorum ordo inter primos pa-  
rentes, maximè commendabilis; nec enim agricola nisi priùs devictis bobus, neque pastor nisi priùs  
gregibus ad officia redactis, pacatè vitam agere potuissent, per campos & circà caulas, aliundè, diu  
noctaque, obambulantibus leone, urso, lupo. Venatores ergo primi, primi Heroes. Oh quot pericula,  
quot curæ, quot & quanta eorum conamina, qui nepotum præsidio, voluptatique, vitam & operam suam  
imposuere! Felices inter eos nimis, qui solertiam & tela sua in fratres non converterunt, heroicamque vir-  
tutem cum tyrannide non mutarunt. Sæ equidem optandum foret, venatorum eorum nomina, præpri-  
misque generi humano utiles labores, apprime nosse, sed historia (intellige profanam) ipsamet tyrannibus devicta, fæbellique ad nauseam inquinata, venatores primos, & agrorum cultores, acque arrium  
inventores, oblivionis injuriæ reliquit. Nec possunt Medicinæ falsi, panificum primorum, victusque ad-  
ministratorum, & sanitatis curæ intentorum, nomina resque recensere, quod porro jucundius foret, quàm  
hippocæsum illos annumerare patres, qui nil nisi commenta ferventibus animis, somniave, in medi-  
um tulerunt, Medicinæ castæ tyranni, bonam artem multifariè maculantes. Quemadmodum autem, artis  
hujus cultores primos, ARCHAIATRIIS, aut Clinicis veris sæculi nostri comparare licet, sic venatorum  
herorum primorum dignitatem, fortitudinem, erga hominum vulgus amorem, nobilissimumque animi can-  
dorem, fingere haud difficile, dum vivis exemplis uti fas est; ut Medici! quæ oculorum facieque se-  
renitas, quæ membrorum robur & agilitas, quor sunt Nestoreæ vitæ prænuntia, in illis qui nostros in-

A

rer PRINCIPES præsertim, atque MAGNATES venationi indulgent. Sic primi hominum tutores atque duces; sic Nemrod venator robustus coram Domino. Nostræ autem artis est, omnium sanitati invigilare; motus, veræque corporis & animi voluptates, Apollinari pensare trutinâ. Atqui venatio inter omnes eminet, multis suadenda.

Totus insudet Africanus in devincendis tigris atque leonibus, mo'leque nobis impares nimis, servituri addicat elephantem, camelumve. Infestentur fame coacti Lapones frigoribus albescentis ursorum; dum insidiosus fugit, aut insequitur Americanus simias, nunquam satis in repulsa omnis formæ, eaurus. Hic solummodo Europeorum perpendendæ venationes, quales potissimum ex usu sunt, in amænissimo Galliæ tractu, quem ferè tantum exornant in cibis apta, venatorum prius voluptati dicata animantia, peregrinant. quæ aliquot lupi & ursi infrequentiter exitiosi. Fecit autem nobis securitatem hanc Gallorum vel seniorum ad prælia semper expedita virtus, quam fovebant venationes, domicilia, religiose institutiones in nemoribus; præca magnanimitatis intemperatæ fundamenta! Nec desunt ferarum devictarum tropea insignia; Ambaciæ portentosi ab ipsomet CAROLO VII. expugnati animantis ossa, quæ autumant arte fabrefacta incuti vel ignari; Nemauleses etiam trium crocodilorum spolia monstrant, in Arenis reperiuntur; Gentilitiis insignibus, adhuc dum gaudent vetustissimorum Equitum progenies, à monstro snactato petitis. Quorsum plura? Postulat hæc adhuc instituti nostri ratio; servant in Monspefulanis scholis, forsàn ab urbe Medicis condita, fædi serpentis exuvias, quas præ diametro, stramineam obvolventes columnam, pueri succero corpori conferres, præ longitudine, virorum ad minus binorum altitudini, dempto capite, cuius maxillæ singularem cubitales; hæc fama habet venatoris antiqui pignus, in APOLLINIS MONSPELIENSE FANUM; unde quidem superstitionis argutiis, occasio præceptis olim fuisset in insulis Epidauri, Rhodi, Coo, si non impavidæ Medicorum stirpi, saltem stolidæ plebeculæ. At quæro num ex prolatis, venatorum præcorum herculei labores aptè demonstrarentur? Num animantium imminutæ progenies, forsânque extincta genera quædam, aut saltem à plagis nostris ablegata; veluti temporibus Cromwellii lupis accidit in Anglia, cuius ad exemplum, Suecia jam lupis exitum, mortemve ultimam minatur. Utur hæc sint, Nemorensis olim nimis Gallia jam vix cultu vacat; accolluntur crebris oppidis, & vicis Sequana, Rhodanus, Liger, Garumna, quorum ripas tot diceres tabellas, vineis agrisque condecoratas. Excussam undequaque gaudet viator præcam rusticitatem. Magnis satis, in nemoribus animantium greges clausi remanent REGIS ad venationes, Fontibellaque, Sangermani, Compendio. Vix in Pyrenæis montibus & Alpibus, agrestes casus adhuc dum contra feras aliquot, tueri coguntur coloni, neque hinc felices minus, dum sua bona norunt. Nil igitur à feris periculi nobis est; quod enim ex venatorum nobili genere, desiderandum foret, id Medicorum onus, putâ viperarum virus aliàs exitiale, nunc inerme; exploratum porrò habeant omnes, serpentis hujus qui solus, apud nos, naturâ malignus, morsum, certo certius curari, adhibito extus & intus alcali-volatilis salis dragmis aliquot; præstantissimum sanè venatoribus Medicorum donum, canibus ipsis & equis commodum! Nunc ergo pede libero, qualibet venari possunt in Galliâ, modo pareant illi quibus datum est, PRINCIPIS, & Medicinæ Legibus.

## I. I.

**A**VICULAS qui captare cupiunt, aliis atque aliis modis prospere cedere constat; diu noctuque, ferrenâ tempestate, uti nebulosâ, & nive terram obruente; vel enim captandis avibus, simillimarum garrulitatem mutuantur, quâ veluti cibum aptatum nuntiante, esuriens invitatur in propinquo grex cubans, aut itinere instituto pergens, dum vitam segregem ducentes aves singularem alliciuntur; vel extrâ luce, flexis in mæstos gemitus monedulæ sonibus, longe lateque excitantur corcula volitantium, sitque eorum, fragosus eodem contentus. Hic areolam nive expurgatam, condito extruunt tritico, quo jęjunæ & frigore torpentes aviculæ variis arripiuntur modis; illic faciem sinistrâ præferente, instructaque fuste dextrâ, tonsiles silvas quibus receptantur aves, multâ de nocte, placide, pervadunt, seligendo super arbusculis insidentia animalcula, quæ fuste strenuè percutiuntur; demum viscato vimine falli, quozidianum est avibus, sicut & decipulum omni genere, atque diversis includi retibus; hæc quidem facta manent, passeribus & sigillis, cardueli, linariæ, fideculique. Miliaris proprium est, quas vulgò vocant ortolans, avidissimè expeti, præsertim in fabulosis Valconum oris, quâ vere & autumnopervasæ aves istæ; illic in areis arte eritis, allectorum lenociniis aucupatæ, retibus obvolvuntur. Alaudas etiam non negligenter insequuntur, in agro Bigetrensi, juxtaque Garunnæ ripas, & alibi; occiduo sole puer speculator, catervatim pernoctantibus avibus, præstitutam ad conveniendum sedem ritè adnotans, herum admonet, qui dein noctu, prælucentibus facibus, retia dispergit, aviumque gregem integrum contegit. Vel micante sole in gyros speculum arte actum, per aera luminis radios ejaculatur, quibus alauda decepta, caligans, incautè demissusque devolat, in speculo se intuens, ut putant, unde hanc, ictu certò ferit quàm proximus venator. Quam non illicuitur in fraudem amonibus, vere, liquefcentes cornuices! Ecce pellicæ sacculus fistulâ instructus, vix manu leviter comprimitur, fistulâ sonat, fœminam suam aut alteram, audire videtur cornuix mas, præsto est zelotipus, advolat præcepis, ruit in insidias venatoris cupiditate cæcus; autumnop, emetitis cerealibus, canis aucupis solertiâ, deteguntur cornuices; eademque fermè præcibus accidunt, quas etiam bovina sub imagine, incautas fallere amant.

turdorum atque merularum copiam, quam ad uvas maturas venter ducit, laqueis ex equina seta, sepe munientes, imminuere solent vitores attenti. Sic eritachos abunde capat Lotharingus. Neque palmarum strages, quales in Pyrenæis montibus ex usu sunt, prætermittere licet; autumnum solem retrocedentes comitantes palumbæ, Pyrenæos montes transcendunt, viam obliquantes per collium angustias; fundulos cæcos, naturæ opus, ars selegit, quorum ad angulum retia veluti in sacculos ingentes disponuntur; eo collimat venatorum cura, ut in sacculorum fundum seu focum, ruant avium greges, quod equidem bellè obtinent, super arboribus aut tripodibus præcelsis, juxta angustiarum aditus, exploratores locando, qui tabellas paulatim fuscatas, in gregem volantes immitant; accipitem sic mentiuntur; pavescit in unum congregatur avicula, præcipitque volatu in retia incurrunt. Pantheres hæc vocant; nobilis venatio! antiquissimæ ALBERETORUM, FOXENSIIQUE Principum prosapie in BORBONIDEAM tandem, cumulatâ gloriâ, insertæ, olim familiarissimæ; agrestes palumbas præprimis in amoenissima valle DOSSAU, Benearni venamur; palumbas glandivoras, in valle de BARRETONS; turtures in NAVARREIS montibus capantur; quotannis enim viæ suæ peculiari insistant quælibet avium harum familiæ. Gulæ parens corvus, loquaxque cornix, callida quidem, in insidias tamen decidunt; chartacei cuculli escâ semipleni, marginesque viscati, implantantur in aquo campo, caput in cucullo condunt aves istæ, adhærescentibus visco pennis, lumine orbantur, titubantes subvolant, brevique fractæ ruunt; nuce vomica carnis immixta has etiam inebriare solent Campanenses. Sic in foveas tetræ cadaveris ope famelicæ alliciunt aquilas Cantabri, quæ, præ pennarum longitudine, sublimè petere nequeunt, frustra que concutiunt alas. Aquaticis avibus tutum omnino locum, haud exhibent paludes, aut dumeta; venator acer mergens se limo, perque glaciæ frustra vias aperiens, rusticulas, & anates insequitur; cæcus tum optatis apprimè favent Hispanienses caruli. Ab homine fere tutos lepores, vitam ducere posse prona fides est, nisi venatorum fiducia staret canum auxilio; horum verò curâ vestigatur odore lepus, cubili excutitur, exagitur, captaturque; tempestate lepus nullâ defensio & annis; sexu, ventre gravi, patet obvis undique turmæ canum, licet milite vias salutis inveniat, nullaque hosti non arte resistat. Hinc canum delectus & usus, vectagorum aut cursorum, quos gallos, anglosque vocant; hinc plurima Cynægi officia, ut præsertim per campos, colles, acque nemora, lepus agitatus, denum fatigatione resolutus, examinis procumbat. Væ infelicissimum animal! quod, cum carnivoris cunctis mollicula sit esca, rapacium etiam avium præda sit, eique vulpes, nocte ipsam, insistent; imò quod pejus adhuc, hospitio nullo in latibulis excipitur, à consanguineo cuniculorum genere. Ast cuniculis illis, suæ etiam calamitates; præterquam quod enim, venatorum, canum, vulpiumque insidiis patent, in cavernis etiam absconditi sollicitantur, tum viverum mori, tum fluvialium cancorum odore, figuræ, aut gressu; venator interea à latibulis expulso cuniculos, progressu arceat reitibus. Astutas vulpes, mustelas, meles, lutras penè venantur ut lepores, aut cuniculum; tui & artis singularibus artificiis. Aprorum & luporum, qui in sylvis impeditissimis stabulantur, venatus eò exquisitior multis, quò operosior; armillaribus præsertim canis præsidio, qui ad feram magis accedit, ipsa è latebrâ expellitur, turmæque cursorum traditur, semitas bestię pervias obtinentibus venatoribus aliis, dum ceteri validissimis insident equis, quorum animus hic adeo tumet, ut victorem vehentes, contra feram acriter tendant, quam alias effusè fugerent paventes. Ursum inter nostratia animalia, hominum generis propinquius, citra pavorem videt nullus; melancholicum animal raro in rupibus Pyrenæorum & Alpium, affectatum ipsi imperium! turbant. Late plerumque silent, horridæ sedes ejus; vix ipsi periculum infert, venatorum cupido, qui corium recens pagatim ostendite amant, virtutis pignus, ova, caseum, & cerealia, à mulierculis corrogantes, Prætorum ritu. Antiquo etiam in more positum est, apud Pyrenæorum incolas, ut interdum, diem dicant quâ contermini conveniunt, ursum oppugnaturi; molossis villarum aut armentorum pluribus collatis, quos ducit, & excutit vegeta pabens. Hæc quidem solemnia fuisse Benearnis, præsertim regnante HENRICO suo, qui sublimiora medians, in ipsis excelssissimis montibus, in venando exercere se amavit, rusticano more victitans, incumbens etiam quandoque ruris labori, uti haud dubia nostratibus traditio, quam majores filios docent. Heroicæ postea HENRICI PROGENIEI, coram legatis, ex generosa GRAMONTORUM stirpe pluribus, ursi venatum, in ludos sæpe celebravit BENEARNIA exultans carminibus, & choreis. REGALES cervorum venatus quis dicendo exprimat? splendidas eorum pompas, canum electas turmas, ad celeritatem lectos equos, cornu cantantam harmoniam, NOBILISSIMORUM virorum chorum, tot REGIÆ MAJESTATIS insignia! Celebrent majora ausi. Aucupia etiam, accipitrumque delectus, mores, in prædam conamina, revocare facis est, ut pote quæ à PRINCIPUM laticis hæc sunt, omnibus nota. Denum passivam quam dices venationem, seu ferarum aut avium, placidam expectationem, quæ præsertim noctu fit, prætermittere non licet, eam sicut & alias omnes, mirè commutavit, expeditioremque fecit pulveris pyrii usus, chemiæ fœtus, animantibus forsitan quam homini gravior.

I I I.

CORPUS vivens habet, veluti congeriem organorum suo modo viventium, seu gaudentium actione propriâ; ipsa etiam consentiunt vi vitæ generali, sibi quæque adimplantur, munis præ-

terea funguntur multa, statim temporibus, postea quiescunt, donec novâ fungendi occasione denud exsuscitentur; sic foveant vitam & sanitatem; cæterum nexu peculiari quo certis partibus conjunguntur, eadem sibi adfiscunt inter agendum, unde diversæ eorum in corpore determinantur *Provincia. Systema* nervosum peculiare etiam videtur organon, ad *poliporum* genus, quodam modo, accedens, ut potè quod partes ejus in corpore repant, propriâ contractilitate & extensibilitate dicuntur, motque spontaneo antrosum & retrorsum æque determinabili, & sensibilitate peculiari, donentur. Sensus externos tot dices ora, tot radicales, *polipi* hujusce nervosi, quibus vires aut motus incitamenta hauriuntur, & ut opus est, renovantur; quod etiam parti cuilibet alix, more suo sensibilitate fruenti, non recusandum. Stomachum præsertim suo, ut alibi exposuimus, fungentem officio, *foecum* estimare par est, inter præcipuos, quo corpus omne irradiatur, & in quem nervosa quælibet conamina modo suo colliguntur; unde usus nulle evidentes, quotidiani, necessarii. Sic cor undequaque motum vibrat, & recipit, emititque in partes reditiva fluida, quæ foveant calorem, & inter solida resudent, hæc mucagine obducant, sive nutrant, præbeantque excretionum materiem. Sic dæmum, à cerebro primo Sensuum emporio, fluunt motuum tractus, & oscillationum *directiones*; ita ut inter stomachum, atque cerebrum, aliasque partes, perpetuo vigeat motuum consensus, ferè uti humorum a partibus ad cor, & a corde in illas, fluxus & refluxus. Quamnam potè motuum illorum leges, ordo, modus, & effectus? an hæc intricatissima, & multa alia sive in theoriâ sive in praxi, æquè abstrusa enucleabis solide, ex recens prolato mechanismo, quo contenditur, findromen motuum in corpore, non solum à cerebro, sed etiam à regione epigastricâ sicuti renitenti fulcro, inchoari, in illasque regiones vicissim convenire, in usum aliunde advocatâ peripheriæ corporis ope, seu organi generalis exterioris, instar corticis, reactione, quæ omnia sedulo vitam suam exploranti (haud minus ut videtur, sîdo observationum momento) patere asseritur & quæ cæterquin, pluribus aliis adstruuntur observationibus, ex statu tum sano, tum morbo desumptis? Ut ut sit, nervosa *moles* aut *machina* cunctas amplectitur partes, illasque regit, istæ ossibus stabilizæ, à nervulis ipsismet effinguntur, qui nidulantur quodammodo, in cellulosa substantiâ, cui indefinenter accrescit *similari* illa *albuminosa* materies, è sanguine perpetuo segregata, quam in lamellis variè cogendo, mûculos, glandulas, vilcera, cutim, ossaque ipsamet in formâ componunt, nervuli iidem, mutuisque vincunt nexibus. In eo autem sanitatis præcipuus cardo vertitur, ut organon quodlibet functioni suæ vacet, tempore & modo requisitis; non secus ac phalangis robur, penes militem quemlibet consistit. Porò simultaneæ disparium organorum, (excepitis vitalibus) actioni propriæ, non suppetit natura. Consuetudinis quidem aut usus vi, plura simul agere videntur organa sensuum externa; ast tunc variatum labore otium, & inde oriundum cujusque organi vitium, insensilia sunt. Expeditior, & ex facili proficiens, organorum omnium celeritas in agendo, (modo recte functio fiat,) sanitatem constituunt, æquabiliorum, fluxibiliorem, verè virilem. Digestionis opus, somnus, profunda quorundam meditatio, veneris ictus, *universales* corporis mutationes, quibus diutius cohibentur cætera functiones, morbi leviores viderentur, quæ directæ fluxui expedito motuum opponuntur, quibus sanitas fiat integra, omnibusque numeris expleta.

Observationis hæc documenta; & quibus concludere pronum est, venatione adamussim cunctas corporis partes, sanitatis operi habiliores fieri, in eoquè quantum satis est, immorari, quoniam nullius exercitationis ope, sæpius officio funguntur organa omnia, neque melius foveatur functionum series, atque *commoditas*, quas *sanitatis causam* dices; quæ equidem evidenter patent; locorum enim seu atmospheræ mutatione, venatoribus familiarissima, cutis & aeri dicatæ partes omnes, perpetuò sollicitantur, unde variè ad virium omnium progressionem aptantur, & ab incuriâ exsuscitantur, cui nimis favet perpetuò circumfusis aer idem, ad partem forsân tonum, diuturnitate se componens, & in crustam necentem, halituum corporis miscelâ. Aeris autem naturâ variâ, multifariam mutantur effectus ejus; ecce venatorem, affatim alluunt flumina aeris sicci, humidi, calidi, tenuis, in hæc incurrit ipsemet, vapores absorbet, solis, terræ, florumque fœtus, quid non operantur meracissima tot divitiæ, amica nervis quos ad opera excitant? Aliunde motus venatorum qui pedibus eunt, aut equitant, infreni curfus pedibus ve, celeres, eorum, atque conatus nervis etiam omnibus, iterati clamores, membrorum omnium flexibilitatè abundè favent; nulla non aguntur, & agunt, laboriosissime delectantur lusonibus; hinc ne angulum quidem mente assequaris in corpore, qui motu non perfundatur, atque frictionis specie, quâ impediuntur glutinis cellularis coactis, ut ad hærentia, irregularia, tot, mehercle, morborum semina, quibus partes primò in motibus situntur, deinque omnimodè perturbantur. Extis igitur & intus, gradatim, leviter, fortius-ve succutiuntur venatorum viscera, mûculi, membra, ad remotissimas spongiosas particulas usque; has fucis madidas, abstergi deceres & expoliri, unde motus in quâlibet machinulâ corporis expeditissimus, sanitatis causâ, simul & effectus. Impressarum in organis sensuum imaginum mirabiles effectus æstimari si rectè nequeant, saltem hos præmittere nefas; verum enim verò imagines variegatæ quæ depinguntur in oculis, nervosam omnem, suo modo, agitant molem; & splendent illæ nitoris acie quâ vividius feriunt; nubilantur aliæ furdis coloribus, paccatusque irritant nervos; constantes & emendatas recipit organon quibus gaudet, incompõsitæ & inordinatæ, non sine commodo respicit. Coloribus intentatam blandiendis oculis, veluti fidium ope auribus accidit, machinulam querunt; hæc ipsamet fruuntur venatores, prætorum rîlus, cæterisque nitor, rupium horrida juga, obscuræ silvæ, solis



splendor, labentes ipsammet umbræ, tabellas præbent omnino mutabiles; quæ colorum differentias alternis repetitisque sæpe vicibus, excitant; unde oculus exultat, omnimodè vellicatus, partibus aliis *fremium* copiam, late, impetiens. Ruricolarum etiam cantilenis, *cynegorumque* clamoribus, harmoniâ cornuum, latratu canum, avium permixtis vocibus, suffurantibusque lymphis, eriguntur venatorum aures, modularisquæ dulcedines totos extenduntur in eorum artus. Odoratûs organon florum effluvis allicitur, neque minus ex agris nemoribusquæ à sole excitatis vaporibus, tum & paludum ipsismet *quasi sulphureis* halitibus, eò quidem magis irritatur, motumque toto imprimi corpori, quò nupmerolionibus nervorum instruitur luteulis, ex *gastricorum* familiâ, & quò melius, corpacula varia forsan absorbendo, ubius suis eâ impendit. Triplicis hujus-ce sensationum *foei* narium scilicet, aurium, & oculi, imperium in corpus, avidè degulatur venator, hujusque phenomena mirabundus medietur Philoſophus Medicus, observationum vi ita abreptus, ut odorum, sonorum, colorumque miscelâ & compage eâ arte dispositis, corpus omnimodè agi posse autumet; ex quò ideas sibi fingeret anima ad libitum, At quoniam motuum sensationumque acie, vires adduntur stomacho, quem constringunt, stimulant, distrubant, aut compescunt, odores, visus objecta, sonus, atque membrorum succussiones quælibet, *gastrico* relata centro, quem non agitur in motum venatorum stomachus? Propterea, alimenta etiam crassiora, apprime digerit; cibi frigidi, cupediarum omne genus, & fercula alia, quæ interstitentibus apponuntur venatoribus, conditiore cibaria sunt, avidè operi suo indulgenti ventriculo; nulla non molitur, viribus, quæ opiculantur partes omnes, quibus etiam vicissim superpetas ipse conducipat; indiscriminatim aquas egelidas, ferventes, fontanas, aut fluviales, generosius, tenues, hebes-ve vinum epotat. Quoties famè pressis venatoribus accidit, in agrestibus recipi tectis, rusticorumque panem hesternum, & atrum vorare! agrestes illas canas, venatorum haud reculat corpus, urbium moribus solutum; novit ultra progredi, morum oconomiam, quâ reguntur & nectuntur civitatum incolæ. Dejectum jugum ipsamet digestio demonstrat. Extrahuntur undequaque, succi alibiles juxta naturæ nutum, quæ ad cibos pauca non admittit. Extrema supersunt venationis commoda, utique, sedulò notanda, animi pathematum, inquam, phenomena; omnino avertitur totos per artus diffusâ, inter venandum mens expedita, siquæ facta intris, studiis etiam vidiionibus, relaxatur; neque enim tot potis est affici sensationibus externis, quin sentiant imaginatio, memoria, sensus interni: horum oblivione & curarum omnium, quiescit anima, aut saltem foras evolat, atque excurrit in perpetuas, & contextas, sensuum blandities; hinc nervorum generalis & commoda remissio; quo corpori flexilitatem conciliat; in eò sollicitudo merus, amor, aut odium, motuum sillebant *plenitudinem*; de corpore toto vires in angulum conjiciebant pathemata, oscillationum tractu ab interioribus ad exteriora moras injiciendo. Venatione inducitur occasio, ad *æquilibrationem* suam cuncta vergunt organa. Imo sicuti apud Philoſophos spes utilitatis proximæ, perfectus habetur *bonum*, quod attingi possit in mortali nostrâ æconomiâ, ita venatorem constar, hæc-ce *boni* seu *felicitatis* specie cumulacè frui, enitur ad possibilia, nec desunt exacerces hæzitationes; mergitur explebili habendi cupidine; veluti spiritu afflatus, desiguitur, raprus in mentis excessu, qui felicitatis ultima linea, prædam acriter insequitur, attingit, apprehendit; optimis suffiri voluptatibus diceres, corpus, quod interea nihil essentiale deperdit. Quid Sanius?

## I V.

**S**ANISSIMIS potissimum, propria corporibus huc usque perpensa; hæc omnem in functionem moventur facili. Nil dubium quin absolutè sanos homines, ad omnia paratos haberes. Ita profectò, ad numeros omnes membra agerent, ad harmoniam expedito gutture canerent, fidibusque; imò, vix è limine disciplinas qualcumque salutari, fastigium, cursu citato, pertingerent, auderent & majora viribus; hinc collige, suamnam hominis excellentiam, nil nisi sanitatem perfectam. Sed humani generis commodis providè consensu Creator omnipotens, nulli mortalium, hanc noxiam facultatum integritatem, impetiri voluit; huic faventem organorum eximiam flexibilitatem, impediunt corporis *rugæ*; ex istis temperamenta oriuntur varia, quorum causâ & occasio, nil nisi organorum quorundam ductæ consuetudines, aliorum dispendio, & ope; consuetudines illæ num morbi, quoniam functionum universalitati derogant? Sane quidem, quorquor sumus vitam hanc degentes, agrotamus! inæqualibus fractisque modis, fiunt per corpora nostra vires. Neque minus tamen miranda hæc distributio, quâ si desint in opere nullo hospites homines, unusquisque propriâ industriâ commendatur, peculiariſque partes agit, defectu universaliorum, quibus, brevî societatis vincula discederentur. Morborum igitur ipsorum haud exigua mænera. Unde Medicina Naturæ amula, lævissimis iis incommodis favez, eo ducendo quò vergunt, salvo procul dubio, jure religionis legumque, Aristarchus absit haud Philoſopus, qui ex eo, præter æquum, adversus artem nostram temerè garriat. Certo certius patet, ad mura hominum emolumenta, fiant cuique corpori formam, suos cuique corporis nervos, aliquatenus servenda; ita ut quod universale remedium vocant, cujus ope functionum omnium exercitio quisque donari possit, maximo generis Humani staret incommodo. En Medicinæ jura! Hinc veluti morbis totidem, adhibenda cautiones variis ætatibus, temperamentis, vitæ institutis, sexui utrique; dispendiendæ personis, ac tempori consentanea, ratio & modus, venationis, quâ aliquos sese abstinere necessum docet. Sic omnes artis nostræ legibus obligantur,

Organa puerorum tenella, facillimèque irritabilia. In his natura in quacunque functione ferè balbutiens, stimulis utitur, permulcereturque tenuissimis; aviculis ergo facile beatur, desideriaque expleret. Juniorum recreabant animos; papilio vel scarabeus; natu paululum majorum passer aut figilla, opima voluptas; Minutissima enim consecretant quorum ope, pathemarum fororiantur germina. Porro meta sunt germinatio, puerities acque iuventus. Quam autem difficilis, quam necessaria ars, quàm functiones & partes excluduntur! Aptius quis ipsis inveniet pabulum? Multi quidem infantibus aptant immodica; allucinantur præsertim, ornassimarum Urbium cives, in eligendis puerorum occupationibus. Hos consummatissimos, statim ab incunabulis, exoptant; modo contra tempestuam intemperiem defendantur, alimentisque sustententur eorum corpuscula, animam scientiis obruunt, quas non apprehendit, præ nervulorum tenuitate. Aquilonibus aut æstivo fervore, minus læduntur, quam sententiose doctentibus magistris, organa puerorum. Enecant-ne infecta ipsamet debilissima, tempestuam inclementia? Pueri igitur frigore tremantes, aut sudore persufi, avium caveas ultrò citroque exportent, fossas salu superent, cæno, ictibus, iteratis lapsibus, assuescant; hæc ipsis nociva minus, quam anxia institutio, aut sublimiora præcepta. Viden quantum infantes urbium, differant cum pueris pagorum, isti huc & illuc, quovis tempore, cursant, & caput pedesque nudi; aviculas quarunt, aut appetunt lapidibus, pullos nido detrahunt, in arbores inscendunt, undè lacertosi optime valent; ipsique sponte variolis curantur, in luto vestigiis volutantes. Respondent apprime pueri arboribus, quæ in urbe parietibus applicantur, almæque nascuntur artè, dum ruri sponte, ad magnitudinem suam exerefcunt. Indè veluti in exili macroque solo, arbor instituta, latè dein allurgit in agrum uberrimum translata, ita villarum pueri, ad felices sæpe provehuntur exitus in urbe. Iterum ergo pedagogis pueri cito nimium non credantur, avicularum præsertim venationibus occupent corroborentque corpus, & animum; de pascere, de cavè, contendant; gregatim obstrepan, rebus suis verba & operam dent; tædet illos prudentum consuetudinis, & meritò. Te quoque sexus amabilis infantilibus organis exornavit natura! intermedius viris atque pueris, horum subtilitati ut & fragilitati proximior; Pluraci, feles, canicula; mobiles oblectant animos, non secus ac aviculæ, quarum venatio ipsa forsitan, ardua tibi nimis, cui rerum domesticarum administratione, sat curarum atque voluptatum. Sunt tamen aulicæ Magnates, Nobilesque famina, magis accedentes ad virorum genium, illis haud insalubris venatio. Aucupio præsertim atque illic calamo, captandis avibus ipsas quandoque studere, consonum videtur; Turnatim allectæ & deceptæ aves, num curiositatem præclare irritarent? Ipsi omnino lepida, quæ adversus accipitrem molitur, ardea & pica, hæc per ramos arborum medios vias inveniunt, salutemque dolis querens, garrulitatem, planctulque latè extendit; illa rostri acie domitorem victa transfigit, quod equidem celeriter mobiles animos agitat, variisque commutat modis, meditationi facili occasionem præbendo, & imaginationis ludis, quod muliebri decet genus. Agite ergo Nobiles femina; apage! deocoquentes alas deserite; quiquillas, fumarum artis nostræ, averfamini, marutinas tot forbitiones, herbularum mille decocta, lacticiuniorum copiam. Ornatus curarum paululum obliviscentes, rusticamini, venamini. Absit caeterum à nobis, adversus ornatus curas, morosa quærela; iis operam dare gaudet Medicina, pecorum ipsamet custodes puellas, rivulos speculorum loco consulentes; nascite has reprehendere. fatui est non Philosophi; exercitationum apud nobiles faminas vices illæ aliquatenus gerunt, corpus apte componunt, evocantque nimis intentam animam. Literatos num mirandum videbitur à pueris & mulieribus proximos annumerari? Hunc tamen reapse locum obtinent, ordines Medicinæ disponente, feliciores enim, quotquot sint, ingenii impetus, mulierum & puerorum aciem satis redeolent, quoniam ad vividiora pathemata magis accedunt, corporisque effrænos & instabiles motus. Virum hæc redundantia, in mentis artem insiliens, morbofa si usquam linquens vestigia. Insultus autem illos quis impedit? Recusat natura nuntum, Medicina laborem, doleret sanationem illam societatis. Id unum ergo enitatur, ut scilicet temperentur, quæ fieri potest, literatarum insulcus, quò saltem interdum distractæ vires, validior postea veluti reperculsi, fructus edant uberores. Mirandas quandoque præstat mutationes succussio levior, hinc sequioris ordinis venatione, literati quidam satis exhilarantur; prædæ etiam expectatione intervalis ipsi felicitate fruuntur, unde ita & reditu leni, saniores molitur motus systema nervosum. Venationis fortioris conamina plerumque literatos non juvant, non secus ac splendor atque pompa; huic venationi non magis solertes Philosophi, quam choræis. *Passivas* igitur insectamini venationes eruditi; alii quam potest, meditationes, studia, computationes, insectorum, astrorumque contemplatio, ablegent, inter venandum; solutio hæc libido, cane pejus & angue, devitanda. Non magis autem quam siren audiendi critici, ingenuas disciplinas promiscuè despicientes; ludus ille non est omnium. Adversus bonas artes acrius clamantes, curandos assumeret Medicina, quæ tamen scientiarum abusus omnimodè respicit, ab Hippocrate ad nos. Utinam porro Medicinæ paululum studerent literati omnes! quod equidem sanitati æque commodum foret, ac studiis ipsis, & virorum illorum operibus. Uno si nimium foret, iussula habere opera, quibus Medicinæ condimentum deest, saltem granulari Medicis licet, ea felicius succedere, quæ arcana artis nostræ vetustissima referant, floresque legunt ipsi familiares. Quid precor hominum, vitæ, morum, legumque historiis superesset, demptis medicinalibus observationibus, genio, usu, utilitatibus, publicis & privatis? Eia ut elegantes ut faciunda Medicinæ Antistitem sententia! Hoc addamus unum,

scilicet litteratos Medicorum norma se gefentes, (in profanis, quæ ventilare licet) aptiores innumeris varisque moribus tolerandis, futuros; hinc cuncta ordini peculiari adstringendi, cupido minor; hinc quorundam præcordis magis accommodata Philosophia, Architectura, Musica, Ritus, tyrannicè suffragia non cogent, vel emendicant abjectè. Medicorum est temperamentis consona distribuere, juxta leges artis, tum *Pyronistas* ipsos, tum sententiarum tenacissimos, ex æquo curantes, & adversos component. Jam **NOBILIORUM** hominum partem, annis præstantium, legumque latorum, & Heroum genus pendere liceat. Ipsi functionum flexibilitas, universilitasque superius allata, præsertim necessaria. Altiora mente reponere, præcipuas rerum perspicientias degustare, gustatasque servare diù, propositorum multitudine non obui, animi virili tranquillitate frui, proprium est **PROCERUM** eò quidem magis, quò **REGI**, rerum omnium molis sustentaculo, & centro, propriùs accedunt. Inferioris notæ nobilibus, leporis venatum indicare sat est. Venationes autem vehementiores, per nemora saltusque, cursus, & aquitatio, contra cervos, atque damas **MAGNATIBUS** exercitatio potissima. Hinc à pueritii institutionis excellentissimæ mores stabunt, & jura, quibus secus ac cæteri homines fruuntur, defectu minutissimarum curarum, naturam omnino disturbantium; hinc copîa sensibilibus exfurdatis organis, stimuli vividiore adduntur; hinc demum militia laboribus apti sunt; radicibus interea, erasis sollicitudinibus, metu, nodis, quibus inhibetur vulgus hominum. Felices Populi quorum **REGES** naturâ duce, venationes illas colunt, quas Medicina suadet! Firmissimo nituntur fundamento, vita & sanitas, pretiosissimæ? certiusque & benegnius æstimamur, toleramur, & compescimur, inferiorum greges, amore propterea ducti.

## V.

**ANTIQUORUM** exercitationes plurimæ, nobis desiderandar superessent. Corporum præcorum fervorem humano generi, ætas abstulisse videtur, quâ proportionē temperati sunt mores. Neque tamen deerrant cursui, luctationi, ad annulum decursionibus, æstimatione dignæ utilitates. Geniales nunc apud nos instituuntur, quandoque, dies **PRINCIPUM** munificentia, cujus auxilio, vulgi magno emolumento, antiquorum ludorum jacturæ, non malè succurritur. Præterea provinciales Populi, si præsertim qui *Australes* Galliæ regiones incolunt fortunati, multis etiam modis corpora adhuc exercent. Utiles quis neget adulescentum, in Galliâ Narbonensi, sæpè advocatas conciones, in quibus manipularum primò, distribuuntur pugnatore, fundâ lapidibus inmissis, postea, vi dolique dimicaturi? Hinc corporis alacritas, ingenique acies, apprimè foventur; non secus ac ardor animi, & in **REGEM** immutabilis pietas; **REGALEM** enim semper designant partem, quæ prosperam adversus hostes faciat pugnam; en ductorum, militumque & artificum, dives veluti seminarium, imperii vestigial. Validis etiam, ibidem, follem incurstant pugnis; protrudunt malleo, volubiles globos; nauticas sæpè celebrant juvenum & seniorum, maritorum, & innuptorum, lætæ cohortes, quæ omnia corpus omnino discutiunt. Pilâ creberrimè ludit Cantabrorum gens, Romanorum olim indocta ferre jugum, saliendoque, & ad fidium sonos saltando, movere se amat agilis; lamentatur quidem, & requirit mores Avorum qui publicis sumptibus, tympana in nuptiis, atque Baptisimatibus perfolvebant; ast lætitiæ, choreisque nata, immane quantum gestationi semper exardeat. Taurinos, quos Hispani vocant cursus, aliquatenus imitantur *Benearni*, boves molossis tradendo, in trivii, civium concurrente coronâ, quæ fugâ motibusque repetitis, quæ Gallo-provincialibus abfinitia sunt, cicharuliisque vulgò utuntur. Triplicem antiquorum saltationem *emmeniam* sive gravem, *cordacem* aut lætam, *secinem* vel mixtam. Gothorum moribus paululum inquinatas, servant (Pagus quilibet immutabilitatem suam) & inter saltandum, cantilenis Heroum gesta, **HENRICORUM**, atque **LODOICORUM** dona, vitam, & præclara facinora, toto pectore, canunt; puerulorum animos, alimoniis illis indefinenter, religiosè instituentes. Imò in numeros & harmoniam, tanta ipsis proclivitas, ut hac in sermone ipso repetas, adagia redolet ille, atque sententias, breviter atque vividè ferit. Nanius etiam metro deductis, cadavera ipsa tumulis componunt, & inscquuntur; neque vana fides est; in valle enim *D'ASPÈ*, qua Cæsaris iu Hispaniani iter, carminibus parentant mortuo, consanguineæ, aut amicæ mulierculæ; elegias, flendo profundunt, quod emunctæ narium viris, aliquando revocavit, ea quæ de Poetis *Dionysios* habet, illos scilicet, maximè prædicandos, ex eo quod multitudinis aut vulgi ideas sententiasque servarint; effatum equidem nostris etiam temporibus haud illepidum! super iis autem meditationes aëlegamus, ut & ludorum examen, quâ variis proprii regionibus, vel ab unâ in alteram traduntur, ab adulescentibus in adulescentes, mirabili normâ commercii. Utur sit, exercitationes illæ omnes ad venationem procul accedunt, alix enim corpus nimis fatigant, alix atmospheram aëris ambientis non mutant, nullæ à studiis animam satis abripiunt, & ad vulgus hominum pertinent, quod infra notandum habemus. Venationi aliquatenus assimilatum equitatio, omnimodè uri reapsè debetur commendata, neque tamen circa eam, præconceptis, modus excedendus, quod sane multis expo-

brandum, qui confiderent nimis; observationibusque propriis inopes, phthifcos ipfos equitatione curandos autumant, inter quos Sydenhamius ipfe, haud omnino præjudicatâ opinione liber, dum præfertim generaliores Artis noſtræ regulas extollit, tot ut videtur, Galliæ Medicorum decimi-quinti & decimi - ſexti ſæculorum placita. Venationis autem ſuper equitationem præſtantia facile ex dictis patet. Accedit equitationi ambulatio, quæ ſanè haud negligenda; præfertim ubi fieri poteſt aperto cœlo. Ab Epicuro moris eſt, teſte Plinio, in Oppidis habitare rurî, hortofve colere, eximium ſane inventum veri Philoſophi! qui urbium Principem noſtram, hilariter habitafſet, quoniam, præter infinita alia cordatis viris inſignia, tot palatiis, torque ſplendidis ditatur hortis; quid porro Epicuro ipſo mirandum magis foret, quam REGIÆ domûs, hortique REGII, quæ admiratione ſtupenti ſpectatori theſauros artis, & naturæ pretioſiores abundè præbent, oculis avidè perluſtranda, & quæ Philoſophus liberè percurrat. In curru veſtatio, pernecellarium nunc habendum inconmodum, cui diligentiffimè præcavere expedit, ſtomachus exercitatione illâ diſturbatur, obruiturque caput, præfertim iis qui reſeſſim vehuntur, aſtringitur alvus, corpuſque torum caleſcit, eò magis, quò ſæpè minus aërem renovant imprudentes, cruza demum torpore afficiuntur, ita ut diuturnitate temporis greſſui ſiant inhabilia. Sinenſes fama eſt, mulieribus pueritiæ tempore, elidere pedes, greſſum impediendi cauſa, id equidem obtinerent pedum tolummodo uſum cohibendo, ſic enim brevi tripudiarent puellæ, inaquâ lance corpus huc & illuc moritantes, uti apud nos illis accidit, qui curru abutuntur. Ii ergò quibus caput, peſtus, atque abdominis viſcera integra ſervare menti ineſt, curru, neceſſitatibus tantum cauſa, utantur; præterea què obambulationibus cruza reſtitiunt; hinc radicitus exidentur anomalium tot convuſſionum cauſa, quas in curru veſtio foret, mortuum copiam, adverſus peſtus atque caput dirigendo. Venationi piſcatum nullus verofimiliter unquam referet, attamen piſcatu corpus & anima quandoque, non malè afficiuntur, ſcilicet dum arundine longâ, hamoque piſces falluntur & ducuntur, præfertim in annibus piſculentis, vel in piſcinis. Ripas ſereno cœlo, medicina habet, veluti balnea aut thermulas, quæ corpori immerſo aquam præbent haud inſalubrem; exhalationibus illis navium uſus ab Antiquioribus decantatos, partim referes; neque tamen balnea hæc & alia cum laudatoribus præcorum morum, nimis faciās; proſunt equidem aliquando faniffimis corporibus, amabiliter frigida, magis quam calida; aſt immerſionibus illis ne crede nimis; cutem qui perperuò mundare intendunt, hanc in functionibus non minus diſturbant, quam qui perperuò ventrem pharmacis ſollicitarent. Præterea ſanguinis *loſionem*, *humectationem*, *dilutionem*, *luciviam*, *edulcorationem*, quò magis & ad vulgi nutum, & admirationem, prædicant, Medicorum ſumiz, eò magis Natura negat fictitiis ſe allici lenociniis, popularibusque placitis, Clinicorum ad nauſeam non *theoriſantium* conſenſu. Pernicioſum quod nimium; immoderatas ſolummodo balneationes oppugnamus. Quis crederet inexpertus: quò ſæpius abluitur cutis ad inundationem, eò magis quandoque contaminatur, vel demum omnino conſtringitur, veluti alvo accidit enematibus nimium ſollicitatæ. Salubris lætæque diſgeſtio, morus corporis & animi, verè juvant tranſpirationem, hanc dum cutis ſtricturâ, vel fervore peccare demonſtrat, cutem balneo lava. Interim inter Mahumetanorum molliſſimè, Laponumque rigiditatem, ruto mediùs ibis. Compara etiam in piſcibus & in animalibus aliis, ſat ſimilem colore & pondere ſanguinem, dum piſces ſquammiſ ditavit natura aquæ imperviis, quod generi noſtro recuſavit, quoniam aëris pondere, & elatere, non vero aquæ mole, & ſtacciditate vivimus. Compara etiam paluſoſorum locorum incolæ, cum illis quos continuò lambunt Aquilones.

Non deſunt temperamenta, morbi, vitæ inſtitutiones, venationi quam prædicamus, repugnantia. Hæc Medicis perpendenda linquantur. Exempli tamen gratiâ, venationis exercitium, uti libertati admodum favens, militibus recuſandum contendimus; aliunde operariis, atque colonis, corporis vires haud fovendæ, quoniam ipſis illæ familiares; animi autem pathemata vividiora, œconomiam vitæ neceſſariò diſturbarent, quâ veluti inſtinctu ducti, vivunt, atque tenore æquabili, dies diebus pares degunt. Hinc legum ſapientiſſimo decreto, venationes multæ prohibentur vulgo; quod equidem diligentius ſervandum, ſanitatæ ipſiſmet vulgi gratiâ. Sic Juſtitia, & Medicina ſorores, hominum ſaluti unâ præſunt, vitæ functiones, familiarum nexus, hominum privatorum mores, & ſanitatem rectè colescentes, & exercentes; temperamenti, naturæque facultatibus, corporis & ingenii viribus, ponderatis diſpenſatiſque, juxta commoda Reipublicæ, quæ Religioni, Militiæ, Juſtitique, & Medicinæ, tota innititur.

Ergò Venatio cæteris exercitationibus ſalubrior.

Proponcbat. Pariſiis THEOPHILUS DE BORDEU, Benearnus, Doctör Medicus Monſpelienſis, necnon Facultatis Medicinæ Pariſienſis Baccalaureus, Theſeos Author, A. R. S. H. 1753.

A SEXTA AD MERIDIEM.

Typis Viduæ QUILLAU, Univerſitatis & Facultatis Medicinæ Typographi, 1753.